



**MINISTER DI CULTURA
TA INVITA UN Y TUR PA:
FESTIVAL “UN CANTO
PA ARUBA SU HIMNO Y
BANDERA 2024”**



WWW.SOLODIPUEBLO.COM



SOLODIPUEBLO@GMAIL.COM

**Hues a condena e homber na
castigo condicional**

**HOMBER DI 31 AÑA CU A
MISHI CU MUCHA HOMBER
DI 13 AÑA A BIRA VICTIMA DI
CHANTAGE DI 25 MIL FLORIN**



**ARUBA LO RICIBI
14.2 MIYON EURO
PA PROYECTONAN DI
DIGITALISACION**



**PUEBLO DI ARUBA TA CORDIALMENTE INVITA
PA BIN APOYA NOS HOBENNAN DEN WEGANAN
INTERINSULAR 2024 CU TA INICIA 1 DI MAART
Na Compleho Deportivo Frans Figaroa na Noord**



**BORCHI A WORDO INSTALA:
PRONTO RENOBACION TA
CUMINZA NA SAVANETA**



Prome Minister Evelyn Wever-Croes: Aruba a firma un acuerdo financiero cu Union Europeo **ARUBA LO RICIBI 14.2 MIYON EURO PA PROYECTONAN DI DIGITALISACION**

"Como Presidente di OCTA, mi compromiso ta pa Aruba sigui bin na remarke pa fondonan asina y pa haci e proceso di aplicacion pa fondo mas facil pa e 13 paisnan cu ta miembro di OCTA"



Diaranson mainta na Brussel, a tuma luga e forum na European Comission. Comision Europeo, ta e comision cu ta tuma decision riba fondo cu ta wordo aloca pa e paisnan cu ta miembro di OCTA. Prome Minister Evelyn Wever-Croes, como Presidente di OCTA,

tabata presente y a hiba palabra den nomber di e 13 paisnan cu ta pertenece na e asociacion. El a expresa cu e reunion tabata un positivo, na unda cu nan a reuni cu e European Commissioner, y a trece dilanti kico ta e deseonan cu cada pais tin. A base di esaki, a logra yega na un acuerdo financiero pa e



aña benidero di un suma di 15 miyon euro, cu lo wordo reparti igual den e 13 paisnan, sumando un suma di 1.15 miyon euro pa cada pais. Den e simannan benidero, Gobierno di Aruba lo dicidi cua ta e proyectonan cu nan ta bay scoge pa aloca e fondo aki. Minister Geoffrey Wever a firma acuerdo financiero di 14.2 miyon euro

Tambe, Prome Minister a expresa cu e dia di awe ta uno grandi pa pais Aruba, mirando cu Minister Geoffrey Wever, como e oficial autoriza pa Aruba pa firma, a firma e acuerdo riba e-Government. E proyecto di eGovernment ta un proyecto cu Gabinete Wever-Croes hunto cu e team di Futura y e team di innovacion tin hopi tempo caba trahando riba dje, di cual a entrega un plan na Union Europeo.

Riba e dia di awe, Aruba a logra e acuerdo financiero

di 14.2 miyon euro pa por finalisa e proyecto di digitalisacion di e procesonan di Gobierno.

E suma aki lo wordo duna den tranche. Na momento cu Aruba entrega un plan pa un proyecto, y e wordo aproba, Aruba lo ricibi e placa, y unabes finalisa, lo por aplica pa e siguiente proyecto. Esaki ta pone cu e proceso pa digitalisa e departamentonan di Gobierno lo dura algun aña. Prome Minister a indica cu Gobierno lo identifica cua ta e departamentonan, y cua procesonan tin prioridad. Unabes cu e plan ta cla, lo comunica na comunidad di Aruba, con e placa aki lo wordo uza pa cu digitalisacion di e departamentonan di gobierno."Riba e dia special aki, mi ta sinti mi hopi orguyoso di ta un Arubiano, y mas ainda di ta Prome Minister di pais Aruba. Mi ta gradici tur

esnan cu a yuda nos pa yega asina leu, na unda cu awe Minister Geoffrey Wever por a firma e acuerdo financiero di 14.2 miyon euro pa Aruba. Esaki a cay riba un bon momento, ya cu e ultimo proyecto cu Union Europeo a financia pa Aruba ta e facultad nobo di SISSTEM, di cual edificio nobo ta kedando cla na Mei 2024. Esaki ta e Maria Convent na playa cu tabata bandona pa hopi tempo. Awe e edificio aki ta birando un hoy a cu lo ta parti di Universidad di Aruba pa e facultad di SISSTEM.

Como Presidente di OCTA, mi compromiso ta pa Aruba sigui bin na remarke pa fondonan asina, y pa haci e proceso di aplicacion pa fondo mas facil pa e 13 paisnan cu ta miembro di OCTA. Pabien Aruba pa un dia asina exitoso na Brussel", Prome Minister a expresa.

HOOGBEZOEK NA CORTE: MINISTER URSELL ARENDS TABATA PRESENTE DEN CASO NOBO DI BISIÑANAN CONTRA SECRETS HOTEL



Diaranson atardi a tuma lugar un otro caso mas cu bisiñanan di Hotel Secrets a entama contra e Hotel. Esaki lo ta posiblemente di

100 caso (exagerando un poco), pero pa ilustra cu ta masha hopi caso nan kier cumenza cada rato. Defacto Solo di Pueblo no

ta compronde e bisiñanan, pasobra ya caba dia 10 di Januari 2024 tabatin sentencia di beroep unda nan a perde nan caso, ora nan tabata reclama cu e hotel ta stroba nan di wak planeta Saturno den espacio.

Minister Arends na corte:

Loke a hala atencion ta cu Minister Ursell Arends tabata presente den e caso diaranson merdia. Trahadornan na corte nunca antes a mira un minister presencia un caso asina.

Den ki rol el'a acudi? Sea ta pa defende Sanicolas, Gobierno, of apoya e bisiñanan, of ta testigo of simplemente a bay scucha e caso, ta algo intresante pa sa e motivacion.

Solo di Pueo no ta mira un motibo asina esencial pa un minister pone su trabao un banda, mas aun ora hopi cuidadano ta pidi afspraak y no ta haya, pa acudi den un caso na corte. Sinembargo kisas e motibo tey y ta desconoci pa nos. Secrets Hotel a anuncia cu nan ta habri e aña aki, na

final di aña. Nan tin tur permiso y construction ta cla pa sigui full swing. Secrets lo habri un capitulo nobo pa Sanicolas.

Ya caba por a tuma nota cu desde e siman aki, hopi comerciante a cumenza prepara "ban pariba".

Caya Principal di Sanicolas lo baya haya varios restaurant di luho cu lo establece eynan. Varios edificio a wordo cumpra y por bay mira un desaroyo fuerte den henter Sanicolas.

Minister Maduro di Finansa ta informa:

MOODY'S TA E DI TRES COMPANIA DI RATING CU TA EVALUA E SITUACION ECONOMICO Y FINANCIERO DI ARUBA

Ta prepara pa presenta Aruba su storia na inversionistanan riba e mercado internacional di capital

E siman aki Minister Maduro di Finansa hunto cu su ekipo di Departamento di Finansa (DF), a reuni cu e compania di rating Moody's, cu ta e di tres compania di rating cu lo evalua e situacion financiero y economico di Aruba.

Pa varios aña caba Gobierno di Aruba ta acudi na e mercado internacional di capital pa asina por cubri e necesidad financiero di nos Pais. Den e añanan di pandemia, Aruba no por a subi e

mercado internacional di capital. Sinembargo, e recuperacion financiero y economico grandi cu Aruba a conoce, ta brinda oportunidad pa Aruba presenta su mes atrobe na inversionistanan internacional.

Tabata un reunion den cual Minister Maduro y e profesionalnan di DF a brinda un bista amplio di e desaroyo economico reciente di Aruba, a repasa e presupuesto y resultado fiscal, a splica e maneho di debe cu ta wordo hiba, a duna un bista di e reformanan structural cu ta forma parti di e 'Landspakket' acorda cu Hulanda, y a duna un bista di e inversionnan cu ta



wordo haci awo y cu por wordo spera den e añanan nos dilanti na Aruba.

Minister Maduro ta gradici tur persona y instancia cu a reuni cu Moody's y ta yama un danki special na e team di Moody's pa acepta pa traha cu Aruba den preparacion pa Aruba

por conta su storia na inversionistanan riba e mercado internacional di capital. E resultado di e

evaluacion di Moody's por wordo spera den luna di April.





Noticia di Corte

Hues a condena e homber na castigo condicional **HOMBER DI 31 AÑA CU A MISHI CU MUCHA HOMBER DI 13 AÑA A BIRA VICTIMA DI CHANTAGE DI 25 MIL FLORIN (PART 1)**

Ayera e homber A.(40) a presenta dilanti Hues di Corte di Husticia pa e caso penal cu Ministerio Publico a cuminsa contra dje. Fiscal ta acusa A. cu na Maart 2011, a abusa di un mucha homber R. cu e tempo ey tabatin 11 aña.

SOLO DI PUEBLO por a compronde cu A. ta desmenti di a abusa di e mucha. El a bisa cu el a sunchi e mucha y mishi na su curpa y parti intimo. Tambe por a compronde cu door cu R. tabata chantagea A. pa placa sino lo bay medio, na dado momento A. a dicidi di haci denuncia, despues cu A. a paga mas o menos 25 mil florin na R., kende actualmente ta un adulto.

MISHI Y SUNCHI MUCHA

E acusacion cu Fiscal a presenta den Corte contra A., ta di a abusa sexual di un mucha homber R. (13) na Maart 2011. Hues a bisa cu ta hopi tempo a pasa.

Hues a bisa cu e tempo ey R. tabatin (13) pero awor ya ta un adulto. Door cu A. a haci denuncia

na 2022, e caso a bin na claridad. Ora a interroga R., el a bisa cu tempo e tabatin 13 aña e tabata cana riba un caminda di santo pa bay na cas di oma. A. a pasa den un auto y a ofrece un lift. R. a drenta den auto. Segun R., A. a keda puntra cuanto aña e tin. R. a bisa 13 aña y A. a bisa cu e tabata kere 17 aña. Envez di bay hiba R. na cas di su oma, el a bay cun'e na un veld banda di e Anker na Grape Field y a lock e portanan. Segun R., A ranca R. su cabez y force chupa su parti intimo y a hinca dede den su parti atras. ACUSADO TA NENGA

Hues a confronta A. cu e declaracion aki y A. ta para riba cu e no a haci nada. Hues a sigui bisa cu R. a bisa cu el a bisa su ruman muher y ningun hende mas. Mas tempo despues R. a drenta den contacto cu A., y A. a pidi sorry. Hues a puntra A., pakico el a pidi sorry si A. ta bisa cu e no a haci nada. Segun A., el a pidi sorry pasobra e no tabata sa cu R. tabatin 13

aña. Segun A., el a kere cu R. tabatin 17 aña. Hues tabata blo puntra A., kico a pone pensa cu R. tabatin 17 aña. Segun A., R. a cuminsa ta cu haci cosnan manera cu e kier tin un relacion. VICTIMA A CHANTAGEA ACUSADO

Hues a muestra cu un aña despues di e caso na Maart 2011, na 2012, e ruman muher di R. a yama A. y reclam'e di a abusa di su ruman homber chikito. E tempo ey A. tabata na Hulanda studiando. Segun A., el a desmenti esey. El a bisa Hues cu e conoce e ruman muher di R., El a bisa Hues cu e ruman muher di R. a bis'e cu e no kier pa e caso aki bin na claridad y pa A. regla e asunto cu R.

Hues a puntra pakico A. a cumpra I-Phone pa R. y despues a duna placa, 12 mil Euro (25 mil florin) pa su estudio. Segun A. el a haci esey pa R. no a haci denuncia den media. R. ta menaza A. cu si no paga su estudio, e lo bay media. Tin e mensahenan aki riba whatsapp.

MINISTER DI CULTURA TA INVITA UN Y TUR PA: FESTIVAL “UN CANTO PA ARUBA SU HIMNO Y BANDERA 2024”



E fin di siman aki, diabierna y diasabra, lo tuma luga e Festival 'Un

Canto pa Aruba su Himno y Bandera' riba Plaza Libertador Betico Croes. Diabierna dia 1 di maart



lo tuma luga e festival categoria adulto. Tin un total di 10 agrupacion musical y 16 cantante cu lo participa. Diasabra

dia 2 di maart lo tuma luga e festival categoria infantil- hubenil. Tin un total di 10 agrupacion musical y 30 cantante cu

lo participa. Minister di Cultura Xiomara Maduro ta desea tur participante y compositor hopi exito durante ambos festival. Alabes e mandatario ta invita comunidad pa bin apoya e participantenan cu lo presenta nan cancion durante e anochinan aki, pero tambe nin bishita e tentnan di cuminda, boca dushi y artesanía cu lo ta presente. Cultura bo tin cu bib'e y cu e participacion di nos comunidad nos ta engrandec'e nos cultura.

Minister Endy Croes:

PUEBLO DI ARUBA TA CORDIALMENTE INVITA PA BIN APOYA NOS HOBENNAN DEN WEGANAN INTERINSULAR 2024 CU TA INICIA 1 DI MAART

Na Compleho Deportivo Frans Figaroa na Noord



Mandatario di Deporte ta contento di informa cu tur cos ta cla pa ricibi e delegacion di Boneiro y Curaçao cu ta yegando Aruba pa participa den Weganan Interinsular 2024.

E competencia escolar ta inicia na Aruba dia 1 di

maart pa 9 or di mainta na Compleho Deportivo Frans Figaroa na Noord. E fin di siman aki, e scolnan cu a clasifica di Aruba, Boneiro y Curaçao lo competi contra otro den trefbal, dam y ahedres. Weganan Interinsular ta continua na Boneiro den luna di maart

y ta clausura den luna di april na Curaçao.

Na 2023 Weganan Interinsular a inicia bek despues di shete aña. Pa

finalisa, Minister Endy Croes ta invita henter Pueblo di Aruba pa bin apoya nos atletanan cu ta competiendo contra

Boneiro y Curaçao e fin di siman aki. Cu deseo, dedicacion, determinacion y disciplina ta logra! Hopi exito!

notariskantoor *M.J.C. Tromp*

Op **dinsdag 26 maart 2024** des namiddag om 14.00 uur, zal in de Kamer van Koophandel en Nijverheid van Aruba, J.E. Irausquin Boulevard 10, Oranjestad Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- het recht van erfpacht tot 15 april 2064 op een perceel domeingrond, groot 430 m2, gelegen aan de Caya Mangasina te Mabon in Aruba, nader omschreven in de **kadastrale meetbrief nummer 187 van 20 mei 1998**, met het daarop gebouwde, plaatselijk bekend als "**Caya Mangasina 64**";
Inzetsprijs: Afl. 130.000, ==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 11 maart 2024 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Fax: 5854222

Email: veiling@notaristromp.com / auction@notaristromp.com

Visit: Arubanotary.com

Partido MEP ta organisa ENCUENTRO PA HENDE MUHE RIBA DIA INTERNACIONAL DI HENDE MUHE TEMA: MENTE POSITIVO



En conexion cu Dia Internacional di Hende Muhe diabierna 8 di maart, Lider di MEP Evelyn Wever-Croes, den nomber di Partido MEP ta organisa un encuentro na CEDE di MEP na Santa Cruz.

E dia aki ta wordo conmemora rond di henter mundo pa concientisa

riba e importancia pa empodera muhernan den tur tereno, pa asina nan por empodera y apoya otro. Igualdad di genero ta e desafio mas grandi actualmente den materia di derechonan humano y e progreso di e hende muher ta un factor cu ta beneficia henter e humanidad. Riba e dia aki no solamente ta celebra tur derechonan cu ya muhernan a logra,

sino sigui demanda tur cu falta pa alcanza. Tur hende muher por ta un lider y asina apoya otro pa logra esaki tambe.

Durante un anochi di Wine & Cheese partido MEP lo celebra e Dia Internacional di Hende Muhe e aña aki. E orador pa e anochi aki lo ta psicologo Antoniette Geerman y e topico ta “Positive Mindset”.

Tur esnan interesa por registra un scan di QR Code y via e link : <https://positivemindset.rsvpify.com> of via telefoon 5685065 y riba e pagina di Facebook di MEP.

Lider di MEP, Evelyn

INVITACION

**CELEBRACION
DÍA DI
HENDE MUHE**

Wine & Cheese

Orador
Antoniette Geerman
Psycholoog

Topico
Positive Mindset

Fecha
8 di maart 2024

Luga:
Cede di MEP

Ora:
8 PM- 10 PM

Rsvp na 5685065

Wever-Croes ta gradici Shannon Henriquez y comishon di actividad cu un biaha mas ta organisa e evento grandi aki y ta invita tur muhernan fuerte, inteligente, poderoso y talentoso pa bin celebra hunto e dia grandi aki na CEDE di MEP.

BORCHI A WORDO INSTALA: PRONTO RENOBACION TA CUMINZA NA SAVANETA



Diahuebs por a tuma nota cu borchí a wordo lanta pa e proyecto na Sabaneta, unda lo renoba e warda di polis bieuw y hasiele den un nobo, unda polis

lo bay ocupa esaki. Hopi hende a expresa cu nan no ta kere! Wel awor esnan cu no a kere, mag di kere!

EMPLEADONAN DI DOMESA A PONE TRABAO ABAO Y A SALI PROTESTA DILANTI E OFICINA



Pa algun tempo caba e empleadonan di e compania cu ta transporta placa pa banconan y negoshinan ta pasando den conflicto laboral pa locual ta trata pagonan di overtime na e empleadonan.

No solamente esey pero awor ta usando hendenan cu ta bini Aruba di vacacion y ta laga nan haci e trabaonan y cu arma di candela y esaki no ta permiti pa ley y tin exigencia estricto di Cuerpo Policial. Den fin di siman mes polis a stop e compania di haci esey. E sindicato cu ta representa e empleadonan esta F.T.A. ta atendiendo y neegociando cu e gerencia di e compania pa asina drecha algun di e puntonan.

we ganan
Interinsular

APERTURA

Fecha: 1 di maart 2024

Ora: 9 AM – 10 AM

Luga: Compleho Deportivo Frans Figaroa (Aruba)

Bo(so) presencia ta altamente aprecia.



Ministerio di Enseñansa y Deporte



IBISA
Instituto Biba Saludabel y Activo



INDEBON
Instituto Di Deporte Boneriano



FDDK
FUNDASHON DESARYO DEPORTIVO KORSOU

Minister Dangui Oduber CONFERENCIA DI PRENSA PA E PROYECTO DI GATEWAY 2030 NA AAA



Diaranson mainta Minister di Turismo Sr. Dangui Oduber ricibi un recorrido na Aeropuerto Reina Beatrix pa wak e proyecto di Gateway 2030, Fase 1A. Durante e conferencia di prensa un di e lidernan di e proyecto a presenta e planificacion di cada fase cu su diseño, Minister

Dangui Oduber a keda hopi impresiona con e proyecto aki ta canando den e tempo stipula. Gateway 2030 ta un proyecto grandi di 143 miyon dollar mericano cu lo genera entre 200 y 300 cupo di trabou sea directo of indirecto cu AAA. Una bez cu e fase aki keda cla, biaheronan pa estados unidos lo bai check-in un biahra so y no lo mester piki maleta bek prome cu subi avion. Ta un proyecto importante pa e ampliacion y renobacion di nos aeropuerto.

Minister Oduber a enfatisa cu e proyecto aki ta wordo ehecuta pa contratistanan local y mayoria di e materialnan

di construccion ta wordo cumpra na Aruba mes. Nos mester ta orguyoso tambe di por bisa cu Aruba ta bai ta e prome aeropuerto asina moderno den e region di Caribe y Latino America. E flow di ora e biahero check-in na bali te ora cu e subi avion lo ta mas eficiente, mas lihe pa e turista y e local cu ta biahando pa merca, mehorando asina e experiencia di e biahero.

Aki e mandatario por recorda cu lo drenta den Fase 1B y despues pa drenta Fase 2 & 3 di e proyecto di Gateway 2030. E CEO di

AAA Joost Meijs a compaña Minister Oduber durante e bishita aki conhuntamente cu demas lidernan di e proyecto. Minister Oduber sa cu esaki no ta un proyecto facil, e tin hopi complehidad cune mirando cu e ta na un aeropuerto cu mester keda operacional na tur momento pero tin tur e confiansa den ful e POM team, AAA y ademas lidernan di e proyecto cu ta trahando duro pa por entrega Aruba un bunita aeropuerto moderno y inovativo cu nos turistanan y locanan por disfruta di dje.-



Na Colombia: A TOPA AGENCIANAN CU TA TRECE GRUPO DI INCENTIVO PA ARUBA

E siman aki a tuma luga un evento organisa pa e departamento MICE di Oficina di Turismo na Hotel Four Seasons Casa Medina, na Bogota, Colombia. E evento, cu a conta cu participacion di e agencianan clave cu ta enfoca riba grupo, a reconoce e agencia cu a trece mas grupo pa Aruba durante aña 2023. Na mes momento a anuncia e incentivo pa aña 2024, un bonus di 500 dollar, pa e agencia cu atrae un trip asina pa un grupo.

MICE ta para pa “Meetings, Incentives, Conferences and Exhibitions” y ta representa un parti lucrativo di e industria turistico rond mundo. Ta referi tambe na MICE ora ta papia di “Business Tourism” of tambe “Business Events”. Den e industria aki, hopi biaha sa uza mas terminologia pa referi na e segmento aki, manera ta agencianan yama Destination Management Company (DMC), Professional Conference Organiser (PCO), Incentive Travel of Fam Trip.

Na Aruba Tourism Authority (A.T.A.), Jerusha Rasmijn ta encabesa e departamento Aruba Convention Bureau, cu ta atrae grupo for di rond mundo. Pa e mercado Latino Americano a ofrece un extra bonus mara na algun condicion, manera ta:

* E contracto di grupo

mester ta firma y cera prome cu dia 30 di april 2024

* E contracto mester ta registra y inclui den e sistema cu un copia

* Ta valido pa grupo entre aña 2024 y 2025.

Ronella Croes, CEO di Oficina di Turismo Aruba a hiba palabra durante e evento. El a conta e invitadonan cu na aña 2023, Aruba a ricibi 1,243,554 bishitante, cu a representa un crecimiento di 13% versus aña 2022 y 11% versus aña 2019. Latino America, especificamente a genera 126,907 bishitante cu a nifica un aumento di 56% di turista versus aña 2022 y un 38% versus aña 2019, convirtiendo asina den e di dos mercado mas importante pa Aruba cu un market share di 10.5%.

E mercado principal di Latino America ta Colombia y el a genera mas di 51 mil pasajero, cual tabata un cifra record p'e mercado y cu a surpasa e resultadonan spera. Colombia a crece cu 54.8% versus aña 2022 y 60% versus aña 2019. Esaki ta debi n'e strategia di mercadeo y benta den mercado, e apertura di ruta nobo cu aerolinea manera Wingo y Avianca cu ta sigui confia den e destino y cu tin varios vuelo directo for di Bogotá, Cali y Medellín.

“Pa loka ta trata e gruponan MICE, nos ta satisfecho cu e resultadonan obteni



durante aña 2023. Aruba a registra 15 grupo di e region Latino Americano, cu a representa 2.462 stay-over, di Colombia específicamente tabatin dos grupo. E gruponan aki a varia for di programa di incentivo, farmacia y compania di seguro, te cu deporte y grupo social”, di acuerdo cu Ronella Croes.

Oficina di Turismo ta spera cu pa aña 2024, lo consolida e grupo for di Latino America mas y mas, específicamente for di Colombia y asina consolida e strategia MICE den e region. “Nos ta sigur cu nos por crece mas den e segmento di biahe corporativo y di incentivo si nos sigui traha hunto. For di Aruba, conta cu nos pa logra esaki”, asina e ehecutivo di A.T.A. a finalisa bisando memey di un gran aplauso di tur e mayoristanan presente.

Na final, Jerusha Rasmijn di Aruba Convention Bureau hunto cu Jordan Schlipken, director di A.T.A. Latino America



a honra William Diaz, di e grupo mayorista “Seis Continentes” di Bucaramanga, cu un Strea Award. El a aprecia masha y a priminti di sigui bende Aruba mas ainda den e mercado Colombiano.

Tocante Aruba Tourism Authority (A.T.A.)

Desde 1 di januari 2011, Aruba Tourism Authority ta opera como un entidad ‘Sui Generis’. Un organizacion independiente den e esfera publico. Aruba Tourism Authority ta fungi como ‘Destination Marketing and Management Organization (DMMO)’ y ta responsabel pa uni interes turistico entre socionan

local e internacional. A.T.A. ta pone hopi enfasis riba e e modelo di “High Value-Low Impact” cu ta para pa un balans entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion. Cu meta pa sigui mantene esfuerzonan den linea segun e balans menciona, y logra aumenta entrada pa medio di calidad di turismo en bes di e volumen cu nos destinacion ta ricibi.

Capacidad di carga ta sigui ricibi atencion di parti di A.T.A.

CFT TOCANTE CORSOU: " AWOR TA E MOMENTO PA ATENDE CU RIESGONAN PRESUPUESTARIO."

Willemstad – Hunto cu Sint Maarten y CBCS, Corsou a logra haya un solucion pa e problematica cerca ENNIA. E solucion aki lo acapara un parti considerabel di e presupuesto di e pais, sinembargo, Corsou ainda tin algun espacio financiero. Awor ta e momento pa probecha e espacio aki pa atende cu e sobra riesgonan presupuestario, manera e posicion di debe y e deficitnan den cuido y seguridad social, tal como Colegio di supervision financiero Corsou y Sint Maarten (Cft) a enfatisa den combersacionnan reciente cu Gobierno di Corsou.

Na final di 2023, hunto cu Sint Maarten y Banco Central di Corsou y Sint Maarten como administrado y supervisor di ENNIA, Corsou a yega na un acuerdo tocante di un solucion pa e problemanan cerca ENNIA. Como parti di e solucion aki, Corsou ta compromete su mes na un contribucion anual di ANG 30 miyon entrante 2027, pa un periodo di 30 aña. Apesar di e desaroyo economico faborabel di Corsou, un maneho presupuestario prudente – en parti den e marco di e obligacion aki – ta di sumo importancia.

Riesgonan pa e presupuesto

Ta asina cu e presupuesto di Corsou conoce algun riesgo cu por (sigui) presiona e presupuesto di e pais. Cft ta seriamente preocupa pa e delicades continuo di e situacion financiero di Curaçao Medical Center (CMC) y a enfatisa

cu pa mas tarda na 2024 lo mester soluciona esaki structuralmente. E situacion di CMC ta un ehemplo pa excelencia di e necesidad mas amplio pa reformation den cuido. Corsou ta gasta un parti relativamente grandi di su producto nacional bruto na cuido. Si no implementa reformanan, contribucionnan adicional for di e presupuesto di e pais ta inevitabel. Ademá, Cft te ainda ta preocupa pa e ingresonan ainda inseguro di e fee di licencia pa oferentenan di weganan di azar. Ta importante pa mitiga e riesgonan aki mas pronto posibel. Awor cu a yega na un solucion pa ENNIA, Corsou a bolbe drenta den negociacion tocante di e tasa di interes di e prestamo pa sosten di likides refinancia di ANG 911 miyon. Si ta asina cu Hulanda efectivamente ta baha e interes riba e prestamo aki, lo ta bon pa Corsou no uza e espacio financiero aki mesora incrementando otro gastonan, sino emplea esaki pa amortisacion di debe y inversionnan.

Cft a enfatisa tambe e importancia di inversionnan y reformanan duradero. Banda di un maneho presupuestario prudente, inversionnan y reformanan ta e pilarnan riba cua Corsou por realiza un crecimiento economico duradero y garantiza e viabilidad di e pago di su debenan.

Pa 2024, Corsou ta presupuesta ANG 133 miyon pa inversionnan nobo, parcialmente financia mediante prestamonan nobo



contrata. Sinembargo, e capacidad di implementacion te ainda ta limita. Na 2023, Corsou a realiza aproximadamente mitar di e inversionnan proyecta. P'esey, Cft a urgi Corsou pa aclara e planificacion di likides di e pais, pa asina reconcilia e inversionnan cu e normalisacion di e posicion di debe aumenta. Den e contexto aki, tambe ta di importancia pa identifica debidamente e riesgonan presupuestario.

Cft ta conseha Corsou pa keda actua di manera decisivo y pa mitiga diligentemente tur riesgo pa e presupuesto.

Pagina 2 di 3

De Rouvilleweg 39

Willemstad, Corsou

T (+5999) 4619081

info@cft.cw

COLEGIO DI SUPERVISION FINANCIERO CORSOU Y SINT MAARTEN

[Fin di comunicado di prensa]

Pagina 3 di 3

De Rouvilleweg 39

Willemstad, Corsou

T (+5999) 4619081

info@cft.cw

COLEGIO DI SUPERVISION FINANCIERO CORSOU Y SINT MAARTEN

Potret:

Nathan Roosberg

Descripcion di potret:

Inversionnan y reformanan, hunto cu maneho presupuestario prudente, ta e pilarnan riba cua Corsou por realiza un crecimiento economico duradero y garantiza e viabilidad di e pago di su debenan. Nota pa e redaccion – no publica

Persona di contacto di Cft:

Secretariado di Colegionan di supervision financiero

Telefon +5999 461-9081 / +5999

461-9082 / +5999 461-9084

Coreo electronico info@cft.cw

Website www.cft.cw

Contactonan di prensa:

Jefka Alberto

Telefon +5999 512-6861


CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Will Erasmus di IBiSA:

WEGANAN INTERINSULAR SU GRAN APERTURA TA DIA PROME DI MAART 2024 NA COMPLEHO DEPORTIVO FRANS FIGAROA

Aruba, Boneiro y Curaçao ta enfrenta otro den trefbal, dam y ahedres.



: Durante conferencia di prensa di dialuna ultimo, Sr. Will Erasmus, di IBiSA a indica cu e comision organizado di Weganan Interinsular di Aruba, Boneiro y Curaçao ta trahando hunto cu e meta pa sali afo cu como un team. Manera ta conoci, na luna di december ultimo, a crea un logo nobo pa Weganan Interinsular.

E streanan riba e logo ta representa cada un di e islanan cu ta participa den Weganan Interinsular. E color geel ta resalta den tur tres bandera di e islanan ABC. E blauw di tur tres bandera y e liña ta significa e cooperacion y hermandad entre e islanan. Tur tres isla lo uza e mesun medaya y diseño. Sr. Erasmus a indica cu Weganan Interinsular 2024 ta tuma laga den tres weekend. E prome ta na Aruba unda cu e scolnan ta participa den e disciplina di trefbal di mucha muhe, dam y ahedres.

Despues di esaki, Weganan Interinsular ta continua na Boneiro di 14 pa 17 di maart, unda cu hobennan lo participa den e disciplina di basketball 3 on 3 di mucha homber,



aquatlon y futbol di mucha muhe. E clausura ta tuma laga na Curaçao di 11 pa 14 di april, unda cu e scolnan lo participa den e disciplina di basketball 3 on 3 di scol secundario, atletismo y volleyball.

E ceremonia di apertura ta tuma laga diabierna 1 di maart pa 9 or di mainta na Compleho Deportivo Frans

Figaroa na Noord. Despues di e ceremonia di apertura e competencia di dam y ahedres ta inicia na Centro di Barrio Dakota y volleyball ta tuma laga na Compleho Deportivo Frans Figaroa. Pueblo di Aruba por sigui e competencianan en bibo via e pagina di Facebook di IBiSA. Pa finalisa, Sr. Erasmus ta invita Pueblo di Aruba pa acudi na

e weganan pa apoya e scolnan, pero tene cuenta cu e reglanan. Pa dam y ahedres no ta permiti publico.

E hobennan mester tin tranquilidad y pa por practica nan deporte manera mester ta, pero na e ceremonia di apertura y na wega di trefbal si ta permiti publico.

FUNDACION CORECTOR DI PAPIAMENTO

Manera a informa caba Fundacion Corector di Papiamento a cuminsa cu un curso di nivel avansa cu ta e curso 'Dominio di Idioma'. Na october aña pasa FCP a habri inscripcion pa e prueba di admision pa e curso y na luna di januari 2024 e curso a start sali. E curso tin 4 modulo y na final e cursistanan lo tin mas conocimiento y dominio di nos dushi Papiamento.

Dr. Joyce Pereira y Sr. Ramon Todd Dandaré Mag. Ling. a gusta e idea di e curso avansa aki y a pone nan experticio disponibel pa e docentenan por a cuminsa hinc e contenido di e curso den otro. Tin 3 docente di Papiamento cu a pone nan mes disponibel pa duna e curso cu ta tuma laga tur diasabra na Biblioteca Nacional Aruba. E curso a cuminsa cu un total di 21 participante

cu ya caba tabatin un base di conocimiento di Papiamento.

Di mes pa hinc e curso asina den otro tin gasto involvi. Ta pa e motibo aki FCP ta gradici ARUBA Bank cu a kere den e curso y a contribui cu un donacion pa e preparacion y na UNOCA cu a mira e importancia di un curso asina pa nos idioma Papiamento y ta cofinancia e proyecto aki. Tambe



FCP ta hopi gradicido na BNA cu semper ta habri su portanan y salanan pa fundacion organisa su cursonan y otro actividad.

FCP ta gradici tur cursista pa e confiansa y ta desea nan hopi exito y perseverancia pa sigui te na final.



Noticia di Corte

HOMBER DI 31 AÑA CU A MISHI CU MUCHA HOMBER DI 13 AÑA A BIRA VICTIMA DI CHANTAGE DI 25 MIL FLORIN (PART 2)

Na 2022 ora cu R. a bolbe pidi placa, A. a busca asistencia di abogado. Esey a trece cun'e cu A. a bay haci denuncia y e ora ey e caso a bin na claridad caminda cu Polis a persigui R. y tambe A. Ta asina cu dia 15 December 2022, R. a wordo condena na 6 luna condicional cu 2 año di prueba pa a chantagea A.

FISCAL TA EXIGI CASTIGO CONDICIONAL

Fiscal a bisa Hues cu e caso ta remarcabel pa cu e funcion di e victima. El a bisa cu e acusado A. ta para riba cu no tabatin penetracion. Tabatin sunchimento y pasamento di man. Fiscal ta haya cu no ta proba penetracion. Fiscal ta haya cu A. ta culpabel di haci actonan immoral cu un mucha homber menor di edad. Na opinion di Fiscal, segun ley, apesar cu ta un menor di edad ta gaña cu su edad, e acusado ta culpable. E ta haya cu esaki ta pone hopi presion riba e acusado pa busca pa sa edad di e persona. Fiscal ta haya cu si un persona kier tin relacion cu un otro persona, mihor co ta pa pidi identificacion. Aki ta un caso di inmoralidad cu un mucha di 13 año. Fiscal a mostra cu e victima R. a chantagea A. entre 2020 y 2022 y A. a paga mas o menos 25 mil florin pa evita cu R. lo perhudica A. su carrera. Esaki ta un caso serio. Na dado momento A. a bay haci denuncia. R.

a wordo condena y awor A. ta dilanti Hues pa un caso di inmoralidad. Fiscal ta haya cu ta e acusado A. mes a pone cu e caso a bin dilanti. Fiscal ta haya e caso di actonan inmoralidad haci na 2011 proba. Pa cu e castigo, el a tene cuenta cu e tempo cu a caso y tur loke a sosode. El a exige 10 luna di prison condicional cu 2 año di prueba.

ABOGADO

Abogado mr. Canwood a bisa Hues cu A. a admiti di a sunchi y mishi na curpa di R. E acusado a bisa cu el a kere cu R. tabatin 17 año. El a desmenti di a penetra e mucha cu su dedenan. E abogado a bisa Hues cu no ta asina cu A. a lock e portanan. E auto su portanan ta lock automaticamente ora e auto core. E abogado a bisa cu 1año despues e ruman muher di R. a bisa A. pa percura cu e asunto no ta sali den publicidad y pa regla cu R. Esey a pone cu A. a duna R. un I Phone. Na 2020 y 2021, den forma di chantage, R. tabata pidi placanan. E abogado a mostra tur e mensahenan cu R. a manda A. y exige placa. Despues R. ta pidi disculpa. Apesar di bisa cu e lo stop, na 2022, R. a bolbe cuminsa chantagea A. E ora ey A. a busca asistencia di abogado y a haci denuncia. E abogado ta haya cu no por castiga A. mas cu e sunchimento. El

a pidi Hues pa tene cuenta cu mas cu 13 año a pasa despues di e incidente. E abogado a sigui bisa cu su cliente A. kier a pone un fin na esaki y e mes a bay haci denuncia. E abogado a mostra cu un condena lo por perhudica A. cu tin un acuerdo cu AZV pa un caso cu ta data di 2011.

SENTENCIA

Hues a sera tratamiento di e caso y a pospone e caso pa bay pensa. Ora el a bolbe el a bisa cu e ta dicta sentencia di biaha. Hues ta haya A. culpable di haci actonan immoral cu un mucha. E tempo ey R.(13) y A.(31). Hues a bisa cu sunchimento di un menor di edad ta actonan immoral y mishimento na curpa tambe. Hues no ta haya proba cu A. a abusa di R. Hues a bisa A. cu mucuhanan mester wordo proteha pa hendenan adulto cu smaak sexual. Pa cu e castigo, Hues a bisa cu e ta tene cuenta cu ta promer biaha cu A. ta cay den man di husticia. Hues ta haya cu ta

A. mes a pone cu R. a pidi placa. Hues ta comparti punto di bista di Fiscal. Hues ta haya cu esaki mester ta un señal na comunidad cu no por tolera tipo di cosnan asina. Hues a condena A. na 10 luna di prison condicional y 2 año di prueba.

TRES AUTO ENVOLVI DEN ACCIDENTE NA SERO PITA; TRES PERSONA TAMBE A RESULTA HERIDA

Sero Pita - Diahuebs den oranan di merdia un biaha mas polis y ambulance a bay e crusada di Sero Pita, unda a sosode un accidente entre 3 auto.

Na yegada polis a constata cu lo tin tres persona levemente herida.

E vehiculo cu a causa e accidente un Toyota a subi e crusada y dal contra e Toyota Vitz. Debi na e impacto e chauffeur di e Vitz a bay cay den banda lagando e auto bay nort sin niun hende na stuur.

E momento eynan un Suv Lincoln color secur tawata bayendo zuid y ta haye cu un Vitz for di control cu a bin dal contra dje .

Tur tres auto a ricibi hopi daño material. Paramediconan di diferente Ambulance cu a presenta a bay duna asistencia na e heridonan, cu mas bien tawata trata di heridanan leve.

Polis a tene e caminda cera, debi cu takelwagen mester a hala e autonan cu no por a move ariba nan propio forsa.

Un biaha mas; ta haci un suplica na D.O.W pa cambia e estructura y pone un rotonde cu lo por scapa bida di hende.



Minister Endy Croes:

COMPLEHO DEPORTIVO GUILLERMO PROSPERO TRINIDAD NA DAKOTA OFICIALMENTE CERTIFICA PA FIFA Pronto Aruba tin un hoy a di stadion




Minister Endy Croes a di stadion Compleho elabora riba e avancen an Deportivo Guillermo di e proyecto di renobacion Prospero Trinidad na

Dakota. E renobacion di e stadion ta den e fase final di construccion. Manera ta conoci, mandatario di Deporte a ricibi e bon noticia cu e yerba artificial (turf) nobo cu a instala aña pasa a keda aproba pa FIFA. Na luna di september 2023, Sportslab tabata na Aruba unda cu a haci tur e testnan necesario y a bay bek cu esaki nan Canada.



Seleccion di Curaçao lo enfrenta Seleccion di Aruba probablemente e dia aki lo inaugura e stadion. Pabien den e wega clasificatorio di CONCACAF y Aruba!



PRONOSTICO DI TEMPO

PRONOSTICO DI TEMPO VALIDO TE DIABIERNA 01 DI MAART 2024, 18:00 ORA

TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIAMENTE NUBLA CU UN AWACERO BREVE

TEMPERATURA MAXIMO 32 GRADO CELSIUS

TEMPERATURA MINIMO 26 GRADO CELSIUS

INDICE DI CALOR (HEAT INDEX) DEN Y ROND DI ORANAN DI MERDIA: 33 PA 38 GRADO

NA PARTINAN ZUID: TRANKIL TE MODERA, ENTRE 2 PA 3 PIA.

NA PARTINAN OOST TE NOORDWEST DI COSTA: GENERALMENTE MODERA CU OLANAN DI 4 PA 5, LOCALMENTE 6 PIA.

AVISO/ ALERTA: NINGUN

FENOMENONAN SPECIAL: NINGUN

POTENCIAL DI AWACERO PA PROXIMO 24 ORA: 1 MM OF MENOS; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

AIRPORT : MAX 32 / MIN 25 / 0.1 MM

WESTPUNT: MAX 32 / MIN 25 / 0.2 MM

STA ROSA: MAX 32 / MIN 25 / 0.2 MM

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO PASAJERO.

BIENTO LO TA FOR DI DIRECCION OOST Y MODERA

TE BASTA FUERTE, FUERTE DEN RAFAGA.


TEMPERATURA (GRADO CELSIUS)

MAX / MIN LO TA: 31 / 26

DEPARTAMENTO METEOROLOGICO ARUBA DIAHUEBS 29 DI FEBRUARI 2024 17:00 (21:00 UTC)

Recientemente, FIFA a informa cu e yerba artificial (turf) a pasa tur e testnan di acuerdo cu e reglanan di FIFA. FIFA a publica e acreditacion di e cancha di futbol riba nan website. Minister Endy Croes a expresa cu e ta hopi contento di ricibi e informacion aki. E documentonan oficial ta na caminda pa Aruba, mientrastanto e trabounan a continua na e stadion.

Na e momento aki, a cuminsa cu e renobacion di e “track and field”, a desmantela e atletiekbaan y lo aloca e marca MONDO, esaki lo sosode den luna di maart y april. Tambe, den luna di maart lo baha tur e luznan y pa fin di april ta asina leu cu e stadion ta bay tin luz di 800 lux. Pues, un veld cu ta cumpli cu e standard internacional di FIFA. Minister Endy Croes ta pidi un poco mas di pasenshi dentro di tres luna e proyecto ta completamente finalisa. Por ultimo, Minister Endy Croes a duna primicia cu dia 8 di juni proximo



		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

3		5	4				6	8
8				7	3	9	5	
7				5	6			
6		4		1		5		
	5		9			6		
					5	2	4	
5	2				7		9	
9		3			1	4	7	2
	7	6	2	9		1	3	5

ORACION DI DIA



**UN FELIZ DIA Y CU DIOS DRAMA SU
BENDICION NA ABUNDANCIA RIBA BOS.**

MI TA PONE MI BIDA CU SU PENA DEN BO MAN,
SEÑOR. SALMO 31. RUMANNAN, DEN E TEMPO DI
CUARESMA AKI, NOS TA YAMA PA ACERCA NOS MAS
NA DIOS, MAS NA CRISTO HESUS. E TEMPO TA UNO
PA MEDITA, SCRUDIÑA Y SACA TUR LOKE NO TA
PERTENECE DEN MENTE, ALMA Y CURASON DI UN
BON SIGUIDO DI CRISTO.

P'ESEY NOS TA YEGA DEN NOS SILENCIO Y
TRANKILIDAD CERCA SEÑOR PA ENTREGA NOS
BIDA Y TUR LOKE TA NOS CARGA. NOS SA CU CERCA
NOS TATA, NO TIN RECHASO SINO REFUGIO. DIOS
HAMAS LO RECHASA SU YIUNAN, AL CONTRARIO,
SEMPER TA BRASA HABRI TA WARDANOS. CERCA
NOS TATA NOS NO TA KEDA BRONGOSA, CERCA
SEÑOR TIN HUSTICIA. MASKE MUNDO HUSGA NOS,
CERCA NOS TATA TIN AMPARO Y PORDON. P'ESEY
AWE NOS TIN CU BAY DEN NOS DESIERTO Y TUMA
E TEMPO NECESARIO PA REFLEXIONA RIBA NOS
BIDA, NOS ECHONAN Y NOS CURASON PA ASINA
POR TRAHA NA UN MIHO VERSION DI NOS MES.
LAGA NOS PONE NOS BIDA Y NOS PENA DEN MAN
DI SEÑOR. ORACION: TATA SANTO, AWE NOS TA
ACERCA BO CU NOS CURASON HABRI. NOS TA PIDI
BO SEÑOR PA YUDA NOS SCRUDIÑA NOS MENTE,
ALMA Y CURASON. YUDA NOS PA SACA TUR LOKE
NO TA DI BO SEÑOR FOR DI NOS PA ASINA NOS TA
UN PERSONA RENOBAN. DANKI TATA PA TUR LOKE
BO A HACI Y TA BAY HACI DEN NOS, DEN NUMBER
DI HESUS.
AMEN.

FORTALEZA PA FAMILIA

Scirbi pa Pastor Marcel Balootje

BON CONDUCTA, TA E PASPOORT DI TUR HOBEN

Proverbionan 13:20 ta bisa lo siguiente:
Esun cu anda cu hende sabi, lo ta sabi, ma
un compañero di hende bobo lo sufri daño.

Nos tur mester corda cu Bon Conducta ta
cuminsa na cas, for di chikito.
Mas cla nos papia cu nos hubentud, sin
sconde nada, bisa nan e cos manera
e ta, sin dorna e palabra cu chuculati,
pasobra berdad no tin mester di wordo
dorna, berdad ta un adorno caba e ta
un piedra precioso, pa tur esnan cu kier
accepte, charge y warde den nan mente y nan
curason.

Bobedad ta cuminsa ora bo ta cana cu mal
amigo.

1 Corintionan 15:33 ta bisa: Mal compania
ta dañá e bon custumber.

Bobedad ta wordo reconoci
inmediatamente den un hende su conducta,
no ta bon pa yama hende bobo, pero si ta
bon pa ora nos mira nos hubentud ta haci
algo cu no ta bon, pa corda nan cu ta cos
di bobo nan ta haci.

Cana cu arma di candela/arma blanco ta
cos di bobo.

Cana cu un tas chikito ta bende droga
enbes di bay scol ta cos di bobo.

Stop di bay scol, y bay sinta bao di palo
planea atraco ta cos di bobo.

Planea ladronia pa horta den cas di
hende y tambe horta turista ta cos di bobo.
Bebemento burachi y causa accidente ta
cos di bobo.

Husamento di droga y bira adicto ta cos
di bobo.

Papia palabra sushi y baho den presencia
di hende grandi y mucha ta cos di bobo.

Pasa riba hende sin saluda, ta cos di bobo.
Bisti indecente tanto pa mucha muher/
mucha homber no ta moda, pero ta cos di
bobo.

Bisti e short di mas chikito cu bo por tin
den cas, y cana riba caya pa hende mira
bo ta cos di bobo.

Gaña bo mayornan cu bo ta bay Playa, y
bo sa masha bon cu bo ta bay Noord ta cos
di bobo.

Drenta relacion cu hende cu ta mas grandi
cu bo y gana bo edad ta cos di bobo.

Biba riba caya y manipula hende pa nan
tene duele di bo ta cos di bobo.

Rebeldia contra bo mayornan, y falta nan
tur clase di respet ta cos di bobo.

Tene relacion sexual cu hende djis pa bo
haña placa ta cos di bobo.

Tur e cosnan aki ta parti di mal conducta.
Un mucha mester wordo lanta serio y
disciplina, pa evita cu e tin mal conducta, y
asina porta ta sera pe tur caminda.

Un hende no mester tin un nivel
universitario pa e wordo reconoce den
comunidad, pero si e tin bon conducta, e
ta bon bini tur caminda.

Pasobra bon conducta ta atrae bon
amistad. Mal conducta ta atrae tur clase
di inmoralidad.

Tin caminda cu ta parece bon den bista di
hende, pero su fin ta e caminda di morto.
(Proverbionan 14:12).

Den Jeremias 17:10 Dios tin un palabra pa
nos tur, no solamente pa hobennan pero
tambe pa mayornan.

Bisando; Ami Señor ta scrudiña curason,
Mi ta scrudiña mente, pa duna cada un
segun su conducta, segun e fruta di su
echonan.

Conducta di hende ta duna fruta, sea fruta
di exelencia of fruta di berguensa.

Ta bo conducta ta identificabo unda cu bo
bay.

Laga bo wowo wak recht bo dilanti, laga
bo klep di wowo keda fiha stret bo dilanti.
Mira bon unda bo pianan ta hibabo, e ora
ey tur bo camindanan lo keda stableci.

No bira na man drechi ni na man
robes, tene bo pia leu for di maldad.
(Proverbionan 4:25-27).

Sinceramente, Pastor Marcel Balootje.

Obituario

Publica serka nos anuncio di fayecimento di bo ser keri.
Nos tin 2 pakete pa ofrese;

Pakete 1: Anuncio di fayecimento te dia cu e defunto
ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na

585-9500 of na 741-4554

ARUBA TA LOGRA TOP 12 Y BEST SMILE DEN MISS TEEN GRAND UNIVERSE 2024



Siman pasa a sali for di Aruba nos Miss Teen Aruba International Emily Anne Andrews pa representa Aruba na Miss Teen Grand Universe na

Cartagena Colombia . Durante full e siman Emily a sa di destaca y diamars ultimo den e eleccion final Aruba a logra un puesto den e 12 finalistanan y

tambe a logra e premio di Best Smile.

Emilly a luci un trahe di gala diseña door di Endy Croes y cosi pa Verena Lian . Su estilismo a keda na encargo di Allan Kock. Nos ta felicita Sr. George Winterdaal cu ta na cabes di GLW Foundation pa un biaha mas trece otro logro pa nos Isla y nos ta contento cu e trabou realisa pa nos representante...



E team Aruba ta yega pa bin yame Bon Bini na diahuebs atardi pa 4.15 cu Aruba. Avianca y bo ta keda invita



HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jonga.



